

## I VINI DELLE NOSTRE COLLINE

*Consulta per il Dialetto Parmigiano*

Il vino bevuto in compagnia dà allegria mentre bevuto in solitudine facilmente procura tristezza. Con questa poesia però Bertozzi ci dice che, con moderazione, non solo si può bere anche da soli ma che addirittura, nel suo caso, aiuta il poeta bloccato davanti al foglio bianco. Vari anni fa, dopo aver accompagnato Fausto Bertozzi a visitare, ad Ozzano, la cantina di Andrea Ferrari, tornato a casa ha scritto di getto questa bella poesia. (*Giuseppe Mezzadri*)

### IL MONTE DELLE VIGNE

D'un grap che in-t l'azurr tra il foji là 'l splénda  
pién 'd gran ch'j àn fat scorta dal sól äd l'istè  
a péns che la vida, s'al spicch, la s'ofénda.  
Mo no. L'é 'na mama ch'l'é pu che conténta  
äd därot al lat ch'la dà al so putén.  
'Na róza ch'dà al vréspi al dóls äd la sménta.  
I sól ch'al s'fa succor t'al sént ch'al s'desfà.  
D'in bocca pianén al s'mes'cia in-t-al sangov  
e al ciama un fradél: al vól un p'cón 'd pan.  
Che Dio al bendiissa 'stà béla "colén'na"  
ch'la crida in-t-la nébia, ch'la ridda cól sól,  
vestida d'avton cme gnan 'na regén'na.  
E at god al profumm dal most in-t-la tén'na,  
t'al sént barbojär... e at vèdd al capél  
ch'al s'léva a dmandär chi révon la spén'na.

Mo al "Vén" l'é un miracol, l'é dols, l'é sincér,  
l'é fat con al cór ch'al scälta la téra.  
Po' guärdol cól sól quand brilla al bicér:  
Gh'é 'l "Dols", a gh'é 'l "Brusch", al "Scur e gh'é 'l "Ciär"  
nasù cme fradè sul "Mónt, là, dill Vignni"  
bazè, da mill sécol, da l'aria dal Tär.

E se, cme stasira, in ca chi da mi,  
ataca a un fój bianch, la pènna a gh'ò in man  
cme un povor anvé l'àn s'móva dal nì,  
a m'juta un bicér, bél pién äd "Malvasia",  
ch'la frizza, ch'la s'ciumma, coll bolli ch'a spriccia.  
Alora partiss... La me fantazia  
la vóla lontàn cme fa 'na farfala  
da un frut sóra a un fiór. La scapa in-t-i prè  
cme 'l mat d'un poledor chi gh' révon la stala.

Almeno par n'ora a m' són arsorè  
a j ò pozè in téra al sach äd la vitta...  
Par n'ora, e n'ò basta, a j ò tirè 'l fiè.

E intant che pian pian a vud al bicér  
A m' sént an' pu bón, pu bräv e pu san.  
Po' a m' carogh al sach... e al pär pu alzer.

*Fausto Bertozzi*

[consultadialettopardigiano.it](http://consultadialettopardigiano.it)

